

◆ **Ўзбекистон Республикаси Президенти Шавкат Мирзиёев** қишлоқ хўжалиги соҳаси ходимларини **Қишлоқ хўжалиги ходимлари куни** билан табриклади.

Қонунчиликка кўра, Ўзбекистонда декабрь ойининг иккинчи яшанбаси «Қишлоқ хўжалиги ходимлари куни» сифатида нишонланади. Бу йилги байрам санаси 10 декабрга тўғри келди.

◆ Тошкент шаҳрида Туркий давлатлар ташкилотига аъзо давлатлар божхона хизматлари раҳбарлари йиғилиши ўтказилди.

Тадбирда Озарбайжон, Қозоғистон, Қирғизистон, Туркия ва Ўзбекистон ҳамда кузатувчи давлат – Венгрия божхона хизмати раҳбарлари, ТДТ котибияти масъуллари иштирок этди. Шунингдек, Грузия божхона хизмати раҳбари йиғилишнинг фахрий меҳмони сифатида қатнашди.

◆ Ўзбекистон Республикаси ташқи ишлар вазири **Бахтиёр Саидов** Қирғизистон элчиси **Муса Жаманбаев**, Қозоғистон элчиси **Бейбут Атамқулов**, Тожикистон элчиси **Абдужаббор Раҳмонзода**, Украина элчиси **Микола Дорошенко** ва Гуржистон элчиси **Георгий Чхеидзени** қабул қилди.

ТИВ маълумотига кўра, йил давомида икки томонлама алоқаларни ривожлантириш борасида эришилган ютуқлар кўриб чиқилди ва келгуси йил учун асосий устувор вазифалар белгилаб олинди.

◆ Тошкент – Самарқанд пулли автомобиль йўли лойиҳасининг дастлабки техник-иқтисодий асоси ишлаб чиқилди.

Самарқанд вилояти автомобиль йўллари бошқармасининг маълум қилишича, халқаро стандартларга жавоб берадиган 305 км. узунликдаги 6 тасмали автомобиль йўли «Автомагистраль» талаблари асосида қурилади.

◆ Боку шаҳрида Ўзбекистон Савдо уйи очилди. «Дунё» хабарига кўра, савдо уйининг тантанали очилиш маросимида Озарбайжоннинг расмий, сиёсий ва ишбилармон доиралари ҳамда ОАВ вакиллари иштирок этди.

◆ Тошкент шаҳрида Ўзбекистон ва Ҳиндистон мудофаа саноати компаниялари вакиллари иштирокида семинар ва кўргазма ташкил этилди.

◆ Шу кунларда Самарқанд вилояти ҳокими **Эркинжон Турдимов** раҳбарлигидаги туман ва шаҳар ҳокимлари, тадбиркорлар ва бошқа мутасаддилардан иборат **вилоят делегацияси Хитойда** бўлиб турибди.

Вилоят ҳокимлиги ахборот хизматининг маълум қилишича, кеча Шанхай шаҳрида самарқандлик ва шанхайлик тадбиркорлар иштирокида бизнес-форум ўтказилди. Унда вилоят расмийлари билан бир қаторда, 100 нафардан ортиқ самарқандлик тадбиркор қатнашди.

ЖАДИДЛАР: МИЛЛИЙ ЎЗЛИК, ИСТИҚЛОЛ ВА ДАВЛАТЧИЛИК ҲОЯЛАРИ

Тошкентда шу мавзуда халқаро конференция бошланди

Анжуман Миллий масс-медияни қўллаб-қувватлаш жамғармаси ташаббуси билан Ўзбекистон Республикаси Фанлар академияси Тарих институти, Ўзбекистон Республикаси Вазирлар Маҳкамаси ҳузуридаги Қатағон қўрбонлари хотираси давлат музейи ва Туркий давлатлар ташкилоти кўмағида ташкил этилди. Ўзбекистон Республикаси Президенти Шавкат Мирзиёевнинг конференция иштирокчиларига йўллаган мурожаатини Президент маслаҳатчиси – спичрайтер Хайриддин Султонов ўқиб эшиттирди.

Тадбирда Ўзбекистон Республикаси Президентининг ёрдамчиси Саида Мирзиёева сўзга чиқди. У ўз сўзида алифбони ислоҳ қилиш масаласининг аҳамиятига ҳам эътибор қаратиб, ўтган йиллар давомида миллий алифбонини ислоҳ қилиш борасида кўплаб фикр-мулоҳазалар билдирилгани, қизғин баҳс-мунозаралар бўлиб ўтгани, аммо масала ҳамон очик турганини қайд этди.

Анжуманда Туркий давлатлар ташкилоти Бош котиби Кубаничбек Омуралиев, Халқаро туркий маданият ташкилоти – Туркой Бош котиби Султон Раев, Халқаро Туркий академия президенти Шаин Мустафоев, Туркий маданият ва мерос халқаро жамғармаси президенти Актога Раимқулова ҳамда АҚШ, Германия, Нидерландия, Озарбайжон, Туркия, Швеция, Ўзбекистон, Қирғизистон, Қозоғистон ва Япония сингари мамлакатлардан таниқли олимлар қатнашмоқда.

Конференция бугун ҳам ўз ишини давом эттирмоқда.



ЎЗА сурати.



Андижон вилояти

Театр – одамларни яхшиликка, эзгуликка чорловчи улўғ дарсхона. Аммо кейинги пайтларда орамизда ижтимоий тармоқларга ўралашиб, бу улўғ даргоҳга қачон борганини эслолмайдиغانлар ҳам бор.

Яхши дам – меҳнатга ҳамдам ШИФОКОРЛАР ТЕАТРДА

Маънавиятимиздаги ана шу кемтикликни биров бўлса-да, тўлдириш мақсадида Соғлиқни сақлаш ходимлари касабаси уюшмаси Андижон вилояти кенгаши 400 нафар тиббиёт ходимини Андижон вилоят мусикали драма театрига, режиссёр Исоқжон Эргашев саҳналаштирган «Тақдир» номли спектакль томошасига таклиф этди.

Шунингдек, 44 нафар фидойи ҳамда жонкуяр тиббиёт ходими қадимий ва ҳаммаша навқирон Самарқанд шаҳрида саёҳатда бўлди.

Анваржон АРЗИЕВ, Соғлиқни сақлаш ходимлари касабаси уюшмаси Андижон вилояти кенгаши раиси

–20 °C


Ўзбекистонда совуқ кунлар бошланди, 11-13 декабрда ҳарорат кечалари –20 даражагача пасаяди.

Ўзбекистон Касаба уюшмалари Федерациясида куну тун фаолият кўрсатадиган

12-11

қисқа рақамли «Ишонч телефони», яъни «Call-center»га

мамлакатимизнинг турли ҳудудларида, олис ва чекка қишлоқларида яшаётган хотин-қизлар ўз муаммолари бўйича исталган вақтда мурожаат қилишлари мумкин.



Хуқуқ ва халқаро ҳаёт бўлими

Сурхондарё вилояти Газетхон мактуби

«ISHONCH» – ЭНГ ИШОНЧЛИ НАШР

Ассалому алайкум, «Ishonch» тахририяти жамоаси!

Мен «Ishonch»нинг доимий мухлиси, кекса журналист сифатида нашр ҳақида ўз фикрларимни билдирмоқчиман.

Авалло, шуни таъкидлашни истардимки, газета кўплаб одамларнинг жонига оро кириб, мушкуллари осон ечим топишида чин кўмакчи бўлаётгани айни ҳақиқатдир! Зеро, «Ishonch»да мавжуд ҳаётни борича акс эттирувчи ўқиниш мақолалар доимий равишда чоп этилади.

Мен ҳам кўплаб газетхонлар сингари ушбу нашрни севиб, излаб ўқийдиганлар сафидаман.

Бордию, мендан «Энг яхши газета қайси», деб сўрашса, ҳеч иккиланмай, «Ўзбекистон касабаси уюшмалари

Федерацияси нашри «Ishonch» дея жавоб берган бўлар эдим. Нашрлар жуда кўп. Зукко газетхон ўзига сув ва ҳаводек зарур бўлган маълумот ва ишончли хабарларни, газета ижодкорлари тилида айтганда, «мих» материалларни бериб бораётган газеталардан излайди. Мен бу ҳолатни буен фақат «Ishonch»да кўряпман, дея ишонч билан айта оламан.

Яна дилимдаги бир гапни айтсам: кейинги вақтда газета қиёфаси аъло даражада ўзарди.

Фурсатдан фойдаланиб, мухлислари ва адади кўпайиб бораётган ушбу нашрда ишлаётган қалами ўткир ҳамкасбларимга соғлиқ, бахт ҳеч иккиланмай, «Ўзбекистон касабаси уюшмалари

Завқим келди, шеърый калима айттайин, Дўстларим, келинг, қўлингизни туттайин. Баҳра олиб маърифатнинг куёшидан, Улуғ йўлларда Сиз-ла бирга бўлайин.

«Ishonch» билан йўлда дадил бораверинг, Газетада сўз завҳарин тераверинг. Суратларда жонли ҳаёт акси бордир, Ҳар сониди хушхабарлар кутаверинг!

Ўрол АБРАЕВ, фахрий журналист.

Қумқўрғон тумани, «Янгуер» маҳалласи.

НОГИРОНЛИК ПЕНСИЯСИ ДАН СЎНГ ИШЛАГАНДА...



САВОЛ: Танишим 38 йиллик иш стажи билан ёшга доир пенсияга чиққанидан сўнг унга II гуруҳ ногиронлиги беришди. Пенсия турини ҳам ўзгартириб, ногиронлик бўйича пенсия ола бошлади. Ҳозир эса бир қорхонага ишга ҳам жойлашди. Айтинг-чи, унинг ногиронлик пенсияси тайинлангандан кейинги ишлаётган даври иш стажига қўйиладими?

Алишер РАҲИМОВ

Избоскан тумани

ЖАВОБ: Ўзбекистон Республикасининг «Фуқароларнинг давлат пенсия таъминоти тўғрисида»ги қонунига 2022 йил 26 октябрда пенсия тайинлаш тартибини такомиллаштиришга қаратилган ва мазкур қонунга ўзгартириш киритиш юзасидан 795-сонли қонун қабул қилинган бўлиб, унга мувофиқ, I ва II гуруҳ ногиронлик пенсияси тайинлангандан кейинги ишланган вақт иш стажига қўшиб ҳисобланади.

I ва II гуруҳ ногиронлик пенсияси тайинлангандан кейин камида 1 йил иш стажига эга бўлса, фуқаронинг

аризаси асосида иш стажи ва иш ҳақи инobatга олинган ҳолда пенсия ҳар икки йилда бир марта қайта ҳисоблаб чиқилади.

Бунда пенсияни қайта ҳисоблаш фуқаро пенсия миқдорини қайта ҳисоблаш учун мурожаат қилган санадаги ёшга нисбатан талаб қилинган иш стажидан келиб чиққан ҳолда амалга оширилади.

Хуқуқ ва халқаро ҳаёт бўлими

